

53051

53051.20  
35  
部

來鳳縣志

卷首


敘原敘條款凡例  
姓氏諸圖總目

卷一

天文志  
星野

卷二至四

地輿志  
沿革疆域  
形勢圖附



± 415.3147

4064

同治丙寅鐫

來鳳縣志

本署藏板

# 來鳳縣志序

邑有志何志乎謂志前哲之  
故事則裨官優為之謂志

聖代之典章則胥吏能述之必待  
鴻儒碩彥始一修明者何也  
豈不以稱古昔昭來茲將備

來鳳縣志卷之首序

物垂規納斯民於範圍之中  
哉故修之之法莫不恪遵成  
憲縷晰條分以示明備要其  
大端有二曰德曰政鑒別人  
倫以昭激勸所以觀德也辨  
其疆域紀其山川詳其教令

程其土宜稽其俗尚肆其物  
采以謹封守而察時變所以  
觀政也得其人則其德立其  
政行其書可傳而亦可守非  
然者擇焉不精語焉不詳其  
甚者又或狃於偏私習於鄙

近多所阿附而失之濫故示  
矜嚴而流於刻無徵不信不  
信弗從而欲上以宏

**盛**

世之規猷下以責斯民之則微

不綦難哉乙丑夏余署篆斯  
邑前縣林君煥齋巴

之檄以將移官恐其事之不  
終也而留以屬余嗚乎余以  
輅材甫蒞茲土且邑自改設  
以來未及百年而兩經兵燹  
雖人文之漸興奈圖書之無  
考而遽畀以重任則難之又

難矣竊思單父感陽晝之喻  
武城留子羽之踪百里之內  
豈無賢豪可與其理者急於  
晉接邑士大夫時潛心詢訪  
羣以何君葆山張君蓮舫對  
爰造廬請謁獲領風規益深

悉其學術行誼咸孚衆望遂欣然以爲得人而知其必能相與有成也卽以志事與之商訂而兩君者亦以大典不可廢墜前徽之不可湮沒也遂慨然分任之其於人也無

毀無譽以人物志任之幽闡微顯而德無弗彰者何君也其論事也有倫有要以天文以下各志任之體明用達而政無弗備者張君也簿書餘暇藉資討論折衷焉以商其

去取者則余也書既成兩君  
且進有請也規爲之迹載乎  
書而治忽之理存乎人疆域  
志矣將何以保固之山川志  
矣將何以奠安之禮樂教令  
志矣將何以法守而欽承之

人民物產志矣將何以教育  
而豐殖之民性日漓而德教  
靡興其治不可長也時事曰  
非而政令不舉其安不可久  
也因勢而利導見幾而早圖  
是在有民社之責者余曰唯

唯謹受教雖然風會必十年  
而後變積弊非一日所能更  
有土者視地方爲傳舍竊  
朝廷威福之餘而玩忽將事欲求  
一振興得乎此余所惓惓焉  
而深愧未能者願以自勵並

來鳳縣志

卷之首序

六

以告後之君子是爲序  
同治五年歲次丙寅署知來  
鳳縣事山左李勗撰



來鳳縣志序

余以癸亥歲來宰新邑越明年冬奉  
憲檄纂修縣志至為楚北壘互侵  
兵燹圖籍無存故

憲心用是汲、也邑處遐陬而名為不  
可援者何哉竊以甘泉醴井不擇地

來鳳縣志

卷之首序

而厚其靈照乎連城或越時而秘  
其采邑於古為蠻夷國唐宋以前  
渺遠難稽固已此後分置土司採風  
者或置之罟罟縻不入輜軒徒歷古  
以來代歸朝命其人君臣父子共教  
孝弟忠信其治程樂詩者其可祀哉

刑賞度所建樹雖鉅細攸分其政  
教之同多中外一也而播遷既久文  
獻多徵後之人間傳遺事求之可  
擗者計不過千百之一耳迨及我  
朝改土歸流沐浴

雅化已駸乎凡會日開人文蔚起美  
來鳳縣志

卷一 首序

乃甫經百餘年而舟蕩於兵戈砂砾  
訖碣半薦荒榛賜鼎藏書志歸  
劫火而坎於風雨生離之中披輯遺聞  
相家巨族傳述彙詞其世者或編為  
販夫牧豎閱世而不知其高曾之名  
真念友誼而名級之以圖之興廢榮墜

之謂何非所以表

圖而慎封守也乙丑春方議舉行忽  
奉移任保原之檄自惟涼德之維  
茲年餘既無以福惠斯土又名獲為  
邑人士倡此舉舉實深憾焉而無  
可如何此幸者南渠李君以山左名

來鳳縣志卷之首序

三

士代權斯象知世必能舉久曠之  
典以成不朽之業而有以釋吾憾也  
今歲夏以書成來告並知秉筆此  
為何君葆山張君蓮舫兩君子共余  
素誌推服而心儀其也復得賢人之尹  
為之至裁上以答

列憲之搜求石邑具一方之掌故而  
後其果有心釋吾憾矣爰即私心  
所欣幸愉快者寄述簡端至其  
修輯之勤既明且備當事諸君並  
具長才何待讀其書始知為一邑之  
信史哉

來鳳縣志 卷之首序

同治五年丙寅夏日知保康縣事  
前署來鳳縣事蕭山林煊撰



來鳳縣志序

同治三年冬映奉檄司鐸

來邑未遽行也識者告曰是邑風土醕樸文教繁興其往哉毋忽四年春抵任宰是邑者爲蕭山林君方會議修志

來鳳縣志

卷之首

序

竊念邑中老成之望典型之美與夫山水人物之秀麗將於此而覩其全也議未定以移任保康去今明府李君蒞縣復議興修乃或者以甲第不勝爲嫌嗚呼甲第信美矣

不甲第豈遂以掩峻良志之  
修也將爲忠孝發其光節義  
壯其氣政績綜其要經術正  
其趨何嘗拘於甲第哉況來  
邑士多美才歷任文宗稱爲  
施州之冠誠使滋培之不懈

安見甲第之終不盛也映又  
觀庠序之士甚愛名節不趨  
勢利非沐浴

文教者深何克臻此然則是邑  
之膾炙人口者所從來遠矣  
志書成 賢宰王之邑紳

之映不敏奔走其間獲參末  
議既喜前此所聞之不虛又  
甚望多士之克自振拔而永  
爲

邦家光也因爲之序云

同治五年歲在丙寅來鳳訓

來鳳縣志

卷之首序

三

導麻城項映書



原序一

施陽故衛所或謂古夜郎地邈難稽已迨至

今上御極之元年初改設畫土疆六屬轄施郡而惟來  
邑距郡最遠東鄰南楚西抵巴蜀尤爲保障要區余自  
十七年奉

命守此至卽索所爲郡縣通志者藉觀古昔以證今茲  
而卒無所得創造維新人民非舊徒致慨於文獻之無  
徵已比年來亦嘗分搜散輯博採遠蒐竊欲成郡志一  
書甫脫稿而未謀剞劂方慮前無所承而旁無所證難

來鳳縣志

卷之首

原序一

以明義例綜終始而昭炯戒焉丙子冬來令林君乃出  
其所爲縣志稿十二卷問余余細閱之其提綱析類援  
昔據今於無可考證之中而未或雜一荒唐之詞洵不  
愧巡憲來公所稱簡括詳明者尤於政治之有關民心  
風俗之大者間記一二以見其用意之所存知其與蒲  
二令暨董司張尉之相爲諮詢相度經攷究者匪伊朝  
夕書曰同寅協恭又曰忠曰贊贊襄哉卽此一志可見  
林令諸君之於治道官方寅恭襄贊能相與以有成也  
蓋施陽六屬新闢土疆昔未有郡邑故未有志于今沈

浴

聖化漸摩仁恩疆里既正學校旋興在官有循績在野  
有良民而匹夫匹婦慕義興行何地蔑有倘仍置之荒  
草煙蔓草中寂滅無存將後視今猶今視昔之憾亦吾  
蒞斯土者之職其咎也是則斯土之於志書一事視夫  
中域名區尤宜亟亟已余故不禁心喜來邑志書之成  
而爲之紀數言於篇首云爾

特授中憲大夫知湖北施南府事加六級紀錄十六次  
宛平王如珪題於清慎勤堂之東壁

來鳳縣志

卷之首

原序一

二